



**O D L U K A**  
**o sufinansiranju kulturne manifestacije od posebnog interesa za Grad Sarajevo**  
**Međunarodni književni festival**  
**57. Sarajevski dani poezije**  
**(prijedlog)**

**Predlagač: Gradonačelnik Grada Sarajeva**  
**Obrađivač: Gradska služba za obrazovanje, kulturu,**  
**sport i mlade**

**Sarajevo, april 2019. g.**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 10/19), Gradsko vijeće Grada Sarajeva, na sjednici od \_\_\_.2019. g., donosi:

(prijedlog)

**O D L U K U**  
**o sufinansiranju kulturne manifestacije od posebnog interesa za Grad Sarajevo**  
**57. Sarajevski dani poezije**

**Član 1.**

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, Međunarodni književni festival 57. Sarajevski dani poezije, koja će se održati u oktobru 2019. godine, uz finansijske obaveze Grada Sarajeva u ukupnom iznosu od 10.000,00 KM.

**Član 2.**

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

**Član 3.**

Sredstva se odobravaju iz Budžeta Grada Sarajeva za 2019. godinu („Službene novine Kantona Sarajevo“, broj 54/18), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

**Član 4.**

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

**Član 5.**

Za realizaciju ove Odluke zadužuje se gradonačelnik Grada Sarajeva.

**Član 6.**

Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVAJUĆI GRADSKOG VIJEĆA  
GRADA SARAJEVA**

**Dr. Igor Gavrić**

**Broj:**

**Sarajevo, \_\_\_.2019. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

### **RAZLOZI DONOŠENJA**

Društvo pisaca u Bosni i Hercegovini uputilo je Gradskoj upravi Grada Sarajeva zahtjev za sufinansiranje manifestacije Međunarodni književni festival „57. Sarajevski dani poezije“, zaprimljen pod brojem 09-14-2521/19 od 03.04.2019. godine, koja će se održati u oktobru 2019. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju, te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradsko služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 09.04.2019. godine, razmotrio prijedlog nadležne Službe, te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na dalju proceduru.

Međunarodna književna manifestacija Sarajevski dani poezije pokrenuta je 1962. godine, u cilju očuvanja i unaprjeđenja književnoestetskih i književnoetičkih standarda pisane riječi u Bosni i Hercegovini. Ove godine u fokusu manifestacije je makedonska književnost te autori iz te susjednih zemalja. Tako iz Makedonije dolazi ovogodišnji dobitnik nagrade "Bosanski stećak" pjesnik Bogomil Đuzel, jedan od najznačajnijih pjesnika ne samo u Makedoniji, nego i na Balkanu i u Evropi. Dani poezije prvi put na bosanskom jeziku štampali knjigu tog autora "Odisej u paklu". Na 57. Sarajevskim danima poezije bit će predstavljena Antologija bh. poezije na makedonskom jeziku koju je sastavio Tihomir Jančovski, a također i Antologija bh. poezije na danskom jeziku koju je uredio danski pjesnik Thorvald Berthelsen. Također, učestvovat će oko 40 pjesnika koji dolaze prvenstveno iz BiH, ali i Makedonije, Srbije, Hrvatske, Danske, Francuske i Crne Gore. Zvanično otvaranje 57. Sarajevskih dana poezije bit će upriličeno u Muzeju književnosti i pozorišne umjetnosti BiH uz izložbu neizlaganih i neobjavljenih karikatura Zulfikara Zuke Džumhura.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

### **FINANSIJSKA SREDSTVA**

Finansijska sredstva za realizaciju ove Odluke obezbijedena su u Budžetu Grada Sarajeva za 2019. godinu.